



Deputación
DA CORUÑA
PEL Plan de
Emprego
Local

**Preguntas frecuentes sobre as axudas PEL- CONCELLOS_
Axudas ao sector das orquestras e verbenas**

PEL-CONCELLOS OV/2022

Índice

AXUDAS PEL- CONCELLOS _Axudas ao sector das orquestras e verbenas- NORMAS APLICABLES

Cal é o prazo para presentar a solicitude?.....	3
Como se presenta a solicitude?.....	3
É preciso certificado dixital para presentar a solicitude?.....	3
Que tipo de procedemento se segue para conceder estas axudas?.....	3
Son compatibles estas axudas con outras?.....	4
Cal é o prazo de concesión destas axudas?.....	4
A resolución de concesión é definitiva?.....	4
A quen van dirixidas estas axudas?	4
Que requisitos teñen que cumprir as orquestras a contratar?.....	4
Que requisitos teñen que cumprir as comisións de festas a subvencionar?	5
Que entidades se atopan excluídas destas axudas?.....	5
Que conceptos de gasto son subvencionables?.....	5
Cal é a contía das axudas?.....	6
Cal é o período subvencionable?.....	7
Que forma de pago ás orquestras se admiten?.....	7
Cal é o prazo máximo de xustificación da axuda?.....	8
Como se ha de cumprir coa obriga da publicidade?.....	8
Que se entende por uso da lingua galega?.....	8



AXUDAS PEL-CONCELLOS OV/2022 – NORMAS APLICABLES

Cal é o prazo para presentar a solicitude?

O prazo de presentación das solicitudes das axudas permanecerá aberto desde o día **7 de xuño de 2022** ata o día **30 de xuño de 2022** ás **14:00h**.

Como se presenta a solicitude?

A solicitude soamente poderase presentar de maneira telemática a través da plataforma SUBTeL: <https://sede.dacoruna.gal/subtel/>

A entidade local **deberá dispoñer dun enderezo de correo electrónico** de contacto durante toda a tramitación do expediente, ao que se dirixirán as comunicacións. Excepcionalmente e, de xeito xustificado, poderá modificar este enderezo inicial, sempre e cando lle notifique a circunstancia pertinente á Deputación a través do correo pel@dacoruna.gal

A tramitación telemática aplicarase a todas as fases do procedemento: solicitude, concesión, xustificación, desistencia e renuncia, incluíndo en cada unha delas as notificacións e as comunicacións, os requirimentos de información e emenda de deficiencias, así como os envíos de documentación que sexan necesarios para tramitar os expedientes.

É preciso certificado dixital para presentar a solicitude?

Si, deberán dispoñer de certificado dixital para presentar a solicitude:

- Quen ocupe a presidencia, a alcaldía ou concelleiro/a na que delegue.
- Quen ocupe a secretaría da entidade local.
- Quen exerza as funcións financeiras ou de tesourería.

A documentación deberá ser asinada como se indica:

- **No caso das certificacións**, polasecretaría co visto e prace da alcaldía/presidencia ou concelleiro/a na que delegue.
- **No caso das declaracións, compromisos e outra documentación**, pola alcaldía/presidencia ou persoa en quen delegue.
- **No caso das certificacións de gastos e ingresos**, quen exerza as funcións financeiras ou de tesourería.

Que tipo de procedemento se segue para conceder estas axudas?

O procedemento de concesión da subvención recollida nesta base tramitarase en **régime de concorrencia non competitiva**.

Logo de revisar as solicitudes presentadas, o órgano competente resolverá a aprobación do programa coa concesión das achegas correspondentes aos concellos solicitantes, logo dos preceptivos informes previos do Servizo de Desenvolvemento Territorial e Transición Ecolóxica e da Intervención Provincial.



Son compatibles estas axudas con outras?

Si. As axudas son compatibles coa percepción doutras axudas públicas procedentes, tanto da Deputación como de calquera outra entidade pública.

Cal é o prazo de concesión destas axudas?

O **prazo máximo para resolver será de 9 meses** a contar desde o día de publicación da convocatoria no Boletín Oficial da Provincia, de acordo co artigo 23.4 da Lei 9/2007, de 13 de xuño, de subvencións de Galicia.

A resolución de concesión é definitiva?

A Concesión será definitiva. A Presidencia da Deputación ditará **resolución de concesión**, que deberá ser notificada ás entidades locais interesadas mediante a **publicación no Boletín Oficial da Provincia** e deberán conter a relación das entidades locais solicitantes ás que se lles concede a subvención e a desestimación expresa das restantes solicitudes.

A quen van dirixidas estas axudas?

Estas axudas van dirixidas a **concellos da provincia da Coruña cunha poboación menor de 50.000 habitantes**, que poderán destinar a achega provincial a:

1. **Contratar directamente as orquestras para a realización de festas patronais e populares**, que por tradición se veñen celebrando en emprazamentos ao aire libre do seu termo municipal, para desfrute de toda a poboación.
2. **Subvencionar ás comisións organizadoras de festas patronais e populares** que por tradición se veñen celebrando en emprazamentos ao aire libre do seu termo municipal, **para contratar orquestras** para as ditas festas patronais e populares. Estas comisións deberán dispoñer de capacidade xurídica e fiscal acreditada mediante a asignación pola Axencia Estatal de Administración Tributaria do Estado do correspondente número de identificación fiscal (CIF/NIF).

Os concellos poderán acollerse ás dúas modalidades ou escoller só unha delas.

Qué requisitos teñen que cumprir as orquestras a contratar?

As empresas titulares de orquestras que se van contratar deberán cumprir cos requisitos seguintes:

- Ter o seu domicilio fiscal e social en Galicia.
- Ter unha **antigüidade mínima de 2 anos de exercicio continuado na actividade, a considerar dende a data de publicación da convocatoria no Boletín Oficial da Provincia**, segundo a información recollida no certificado de situación censual da entidade.
- Declarar responsablemente que ten unha composición mínima de 6 membros, dos cales alomenos 4, deberán na súa actuación tocar un instrumento musical.



- Declarar responsablemente que o 80 por cento da súa actividade céntrase na organización de espectáculos e actuacións musicais en vivo.

Qué requisitos teñen que cumprir as comisións de festas?

As comisións organizadoras de festas patronais e populares deberán cumprir cos requisitos seguintes:

- Estar legalmente constituídas como asociacións ou comisións de festas.
- Dispoñer de personalidade xurídica e capacidade de obrar acreditada mediante a asignación pola Axencia Estatal de Administración Tributaria do Estado do correspondente número de identificación fiscal (CIF/NIF)
- Carecer de fins de lucro.
- Desenvolver as súas actividades nun concello da provincia de menos de 50.000 habitantes.
- Non ter pendente de xustificar ningunha subvención ou axuda ante o concello no que desenvolve a súa actividade para o mesmo obxecto para o que solicita a axuda.
- Estar ao corrente das súas obrigas tributarias, estatais, autonómicas, co concello e coa seguridade social.
- Non estar incurso en ningún dos supostos de incapacidade ou incompatibilidade para percibir axudas ou subvencións públicas.

Que entidades se atopan excluídas destas axudas?

- Os concellos da provincia cunha poboación maior de 50.000 habitantes.
- As comisións organizadoras de festas que non reúnan os requisitos establecidos na base 4.2
- As empresas titulares de orquestras que non reúnan os requisitos establecidos na base 4.3

Que conceptos de gasto son subvencionables?

Terán a consideración de gastos subvencionables os correspondentes as seguintes conceptos contables:

Conta	Descrición da conta
607	Traballos realizados por outras empresas Nesta conta consignarase o importe do gasto previsto para a contratación directa polo concello de orquestras que cumpran os requisitos establecidos nas bases
650	Transferencias Nesta conta consignarase o importe do gasto previsto como subvención a comisións organizadoras de festas populares e tradicionais para a contratación de orquestras que cumpran os requisitos establecidos nestas bases.

Os concellos poderán facer previsión de gasto nos dous conceptos contables subvencionables ou escoller só un deles.

Cal é a contía das axudas?

A contía das axudas ven determinada polo **criterio poboacional**. Os concellos de menos de 50.000 habitantes destinatarios das axudas, poderán solicitar, como máximo, **a contía do módulo que lles corresponda**, en función da porcentaxe resultante de dividir o número de habitantes do concello entre o número total de habitantes nos concellos de menos de 50.000 habitantes da provincia, segundo figura no Anexo I das bases reguladoras.

As contías dos módulos determínanse de acordo cos seguintes tramos de asignación:

Módulo	Concellos	Tramo de asignación de porcentaxes	Importe máximo a conceder
1	Cerdido, Somozas (As), Toques, Moeche, Vilarmaior, Vilasantar, Capela (A), Mañón, Irixoa, Santiso, Corcubián, Sobrado, Aranga, Coirós, Monfero, Boimorto	Ata 0,27%	3.000,00 €
2	Frades, Paderne, Mesía, Dodro, San Sadurniño, Dumbría, Laxe, Trazo, Tordoia, Lousame, Cabanas, Baña (A), Touro, Cariño, Mazaricos, Val do Dubra, Carnota	Máis de 0,27 ata 0,54%	5.000,00 €
3	Curtis, Cabana de Bergantiños, Boqueixón, Zas, Rois, Muxía, Pino (O), Fisterra, Cerceda, Neda, Vedra, Oza-Cesuras, Camariñas, Mugar dos, Malpica de Bergantiños, Ponteceso, Ortigueira, Abegondo, Coristanco, Arzúa, Ares	Máis de 0,54 ata 0,84%	7.000,00 €
4	Outes, Miño, Carral, Cedeira, Negreira, Bergondo, Valdoviño, Vimianzo, Melide, Orosó, Cee, Pontedeume, Brión, Padrón, Muros	Máis de 0,84 ata 1,17%	9.000,00 €
5	Porto do Son, Santa Comba, Pobra do Caramiñal (A), Pontes de García Rodríguez (As)	Máis de 1,17 ata 1,40%	11.000,00 €
6	Rianxo, Laracha (A), Ordes, Fene, Betanzos	Máis de 1,40 ata 1,82%	13.000,00 €
7	Noia, Sada, Teo, Boiro, Cambre, Ribeira, Culleredo, Carballo, Ames, Arteixo, Oleiros, Narón	Máis de 1,82%	15.000,00 €



Os concellos poderán solicitar ata o 100% do orzamento de gastos previsto; non obstante, o importe máximo a conceder será o fixado na táboa anterior.

No caso de que non todos os concellos soliciten a subvención ou que soliciten un importe inferior ao que lles correspondería, produciríase un sobranse no importe total da convocatoria que será obxecto de reparto entre o resto dos solicitantes.

Cal é o período subvencionable?

A contratación das orquestras deberá realizarse entre o **1 de xaneiro e o 31 de decembro de 2022**. Non poderán imputarse ao programa gastos realizados fóra deste período.

Que forma de pago ás orquestras se admiten?

Os concellos e as comisións de festas, deberán realizar os pagos ás empresas titulares de orquestras que contraten, mediante transferencia bancaria, cheque nominativo, cargo, ingreso en conta ou calquera outra modalidade de pago bancarios, sempre que en todo caso quede identificada a entidade ordenante (perceptora da subvención), a persoa/entidade beneficiaria (provedora do ben, servizo, ou persoas traballadoras), o concepto, o importe e a data de pago.

Non obstante, para os gastos que non excedan de 150€ admitiranse os pagamentos en metálico.

Cal é o prazo máximo de xustificación da axuda?

O prazo de xustificación da axuda rematará o día **28 de abril de 2023 ás 14:00 horas**.

Cómo se ha de cumprir coa obriga da publicidade?

A base 4 das bases xerais das axudas, así como a base 12 das bases específicas establecen a obriga de dar publicidade da achega provincial e facer constar o financiamento da Deputación en todas as comunicacións polas que se dea a coñecer a realización das actividades.

Así, tanto os concellos como as comisións de festas que contraten orquestras ao abeiro destas axudas, deberán facer constar a colaboración da Deputación da Coruña en toda a información (impresa, informática ou audiovisual) que fixeren das festas patronais subvencionadas e as orquestras contratadas, así como na súa páxina web.

Isto implica que deberán dar publicidade da achega provincial e facer constar o financiamento da Deputación en todas as comunicacións polas que se dea a coñecer a realización das festas patronais subvencionadas e as orquestras contratadas, ben sexa por medios escritos, radiofónicos, audiovisuais ou internet.

Coa memoria e conta xustificativa, o concello presentará declaración sobre o cumprimento desta obriga.

Os logotipos do Plan de Emprego Local e a Deputación están dispoñibles na web <https://www.dacoruna.gal/documentacion/logos/logotipos-pel/>



Que se entende por uso da lingua galega?

A base 4 das bases xerais das axudas, así como a base 5 das bases específicas fan alusión ao uso da lingua galega, en referencia exclusivamente á solicitude das axudas e á divulgación das actividades subvencionadas.

Os concellos deberán presentar a solicitude en galego, así como realizar a contratación de orquestras e/ou a subvencionar ás comisións de festas, empregando a lingua galega.

A información, divulgación e publicidade (web, redes sociais, cartelería, folletos e equivalentes) das festas patronais subvencionadas e das orquestras contratadas, deberá ter como lingua vehicular de desenvolvemento a lingua galega, o cal non implica quen non se poidan utilizar tamén outras linguas.